

Headline	Sasaran tanam 500,000 pokok		
MediaTitle	Berita Harian		
Date	15 Dec 2012	Color	Full Color
Section	Nasional	Circulation	192,982
Page No	35	Readership	1,521,000
Language	Malay	ArticleSize	228 cm <sup>2</sup>
Journalist	N/A	AdValue	RM 7,719
Frequency	Daily	PR Value	RM 23,157



# Sasaran tanam 500,000 pokok

» Nestle pulihara alam sepanjang Sungai Kinabatangan

Oleh Farah Marshita Abdul Patah  
farahmarshita@bharian.com.my

■ Kuala Lumpur

**N**estle (M) Berhad mensasarkan penanaman semula 500,000 pokok di sepanjang pinggir Sungai Kinabatangan, Sabah menjelang 2014.

Melalui Projek Nestle RiLeaf itu, usaha berkenaan diharap dapat membantu menyuburkan semula ekosistem di daerah Kinabatangan, di samping menyediakan kawasan penampungan banjir dan resapan bahan kimia dari tanah pertanian ke sungai.

Pengarah Urusan Nestle, Peter Vogt, berkata program menanam pokok kira-kira 150 meter dari gigi air itu adalah bukti komitmen syarikat berkenaan



Vogt (kiri) menyerahkan anak pokok kepada Zual Azhar (tengah), sambil dibantu Abdul Latif di FRIM Kepong, semalam. [FOTO ABDULLAH YUSOF/BH]

dalam memulihara hutan akibat kegiatan pertanian dan perladangan komersial, terutama membabitkan santuari hidupan liar dan hutan simpan.

### Beli anak pokok

Katanya, melalui inisiatif berkenaan, syarikatnya turut menyokong pembinaan keupayaan komuniti tempatan dengan membeli anak pokok daripada Komuniti Anak Pokok Kinabatangan (KAPOK).

"Kini, sebanyak 34 keluarga KAPOK menjadi

pembekal kepada anak benih spesies pokok berkualiti tinggi untuk Projek Nestle RiLeaf," katanya di Institut Penyelidikan Perhutanan Malaysia (FRIM), dekat sini, semalam.

Terdahulu beliau hadir pada majlis penyerahan 100 pokok buah-buahan hutan kepada FRIM yang turut dihadiri Ketua Setiausaha Kementerian Sumber Asli dan Alam Sekitar, Datuk Zual Azhar Yusof serta Ketua Pengarah FRIM, Datuk Dr Abdul Latif Mohmod.